

**S** **LO**  
 Afl. 1.25  
 BRIYANDO FUERTE • TRECIENDO CLARIDAD  
 DIAHUEBS 20 FEBRUARI 2025  
*Di Pueblo*

**PARTIDO MEP TA  
 CONFIRMA STABILIDAD  
 FINANCIERO BOU GABINETE  
 WEVER-CROES**  
 Stakeholder y CAFT tambe ta confirma esaki



**WWW.SOLODIPUEBLO.COM**



**SOLODIPUEBLO@GMAIL.COM**



## ARUBA NO TA RECONOCE ‘STAATSSECRETARIS’ DEN SU CONSTITUCION

Loke sea Mike Eman kier introduci extra ta  
 ministernan extra sin autoridad mara den ley

## MINISTER MADURO DI FINANSA TA URGI PRESIDENTE DI PARLAMENTO PA YAMA E REUNION PUBLICO PA TRATA PRESUPUESTO 2025

Tardansa den formacion no por stroba  
 continuacion den gobernacion



## MAS TANKI DI COLECTA AWA PA NOS CUNUKERONAN DANKI NA WEB ARUBA NV



Awo cu 2 florin mas, bo por gana e **MEGA PLUS**  
 \*Afl. **3.250.000,-**  
 \*Afl. 2.100.000,- + Afl. 1.150.000,-  
 extra  
 Sorteo ta hunga diabierna 21 di februari 7:45 pm



HUNGA AWO





Prome Minister Evelyn Wever-Croes:

## ARUBA NO TA RECONOCE

# 'STAATSSECRETARIS' DEN SU CONSTITUCION

Loke sea Mike Eman kier introduci extra ta ministernan extra sin autoridad mara den ley

Dialuna despues di su reunion cu SE Gobernador di Aruba, Señor Alfonso Boekhoudt, Prome Minister Evelyn Wever-Croes a duna varios declaracion riba diferente topico contestando preguntanan den un entrevista cu nos planta nacional TeleAruba. Un di e preguntanan ricibi ta tocante e topico cu a surgi diadomingo tocante 'staatssecretaris'. Prome Minister a indica di a tuma nota di esaki y a splica cu Hulanda si conoce e instituto di staatssecretaris.

E staatssecretaris ta na banda di e minister encarga cu cierto cartera y na momento cu e cartera di e minister bira mucho pisa, ta delega e trabounan na e staatssecretaris. Manera ta e caso di e Minister di Relacionnan di Reino y su Secretario di Estado di Relacionnan di Reino. Aruba ta deal direct cu e Secretario di

Estado di Relacionnan di Reino y no cu e Minister di Relacionnan di Reino. Na Hulanda, Prome Minister a sigui splica, cu staatssecretaris ta un posicion politico mescos cu e minister apunta door di Parlamento y cu pa medio di un mocion di desconfianza por kit'e tambe.

Na Aruba, nos no conoce e posicion di staatssecretaris den nos sistema di gobernacion y no ta hancra den nos leynan. Den nos leynan tin un referencia na e palabra 'staatssecretaris' dos caminda. Den artikel III.17 ta referi na staatssecretaris pero esaki ta un eror. Prome Minister a splica cu na prome instante, tempo cu Aruba a traha su Constitucion na aña 1985, bou iniciativa di Partido MEP, tawata plania pa bin cu e posicion pa secretario di estado pa comparti e peso di trabou cu e minister. Partido AVP no a bay di acuerdo

cu esaki cu e pensamiento cu MEP a bin cu esaki pa acomoda su hendenan.

AVP, pa e motibo aki, a saca e staatssecretaris for di Constitucion. Sinembargo, pa motibo di un descuido of un trabou slordig, e palabra staatssecretaris no a wordo saca for di e artikkel menciona y ta menciona den dos caminda. Specificamente, e parti di e articulo aki ta referi na e posibilidad cu Parlamento por haci pregunta na un staatssecretaris y cu e staatssecretaris mester contesta.

E funcion di un staatssecretaris no ta hancra den nos Constitucion. Niun caminda ta menciona ni hancra ki ora por tin un staatssecretaris, ken ta apunt'e y kico ta su responsabilidadnan. E articulo aki tey solamente pa gobernador, minister y Parlamento. Pa bin cu secretario di estado, mester



cambia Constitucion. Y pa cambia Constitucion mester di dos tercera parti di Parlamento, cu ta 14 voto. Y den nomber di Partido MEP, Prome minister a declara di no lo duna sosten na esaki, y sin Partido MEP e cambio no por pasa

Manera cu señor Mike Eman di AVP a declara, e kier bin cu un tipo di staatssecretaris. Den esaki Prome Minister a enfatisa cu señor Eman por bin cu kico cu e kier y yam'e manera cu e kier, pero e lo no ta un staatssecretaris cu tin e autoridad manera ta e

caso na Hulanda. Loke sea Eman kier introduci extra, lo ta un mini minister cu lo cobra hopi placa, haya hopi beneficio, cu gastonan di oficina, pa haci cierto tareanan cu e ministernan apunta no tin e capacidad pa eherce nan mes. Pero no tin niun autoridad pa ley. Cu otro palabra, Mike Eman kier goberna cu 14 minister.

A resalta tambe e echo cu e dos formadonan no ta riba un mesun linea riba e topico aki. Den nan declaracionnan duna na prensa, nan ta contradici otro riba e topico aki.


## ACCIDENTE CU HENDE HERIDA DILANTI NAPA CURA CABAY

Dialuna atardi a drenta informe di un accidente cu hende herida na Napa Cura Cabay, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente pa falta di

preferencia. E Toyota Corolla no a duna preferencia na e Hyundai Tucson. Debi na e impacto un dama a resulta herida cu dolornan na su nek.

Na yegada di e ambulans nan a atende e dama.





# MINISTER MADURO DI FINANSA TA URGI PRESIDENTE DI PARLAMENTO PA YAMA E REUNION PUBLICO PA TRATA PRESUPUESTO 2025

Tardansa den formacion no por stroba continuacion den gobernacion



Gobierno di Aruba  
L.C. Smith Boulevard  
Oranjestad, Aruba  
Tel. (297) 528-1000

Minister di Finansa y Cultura

Aan de Voorzitter van  
de Staten van Aruba  
Mw. mr. G. Croes

MinFIC-25/6098  
Onderwerp: Behandeling ontwerpbegroting 2025

Oranjestad, 18 februari 2025

Geachte mw. Croes,

De afgelopen jaren heeft Aruba hard gewerkt aan het verbeteren van het begrotingsproces. Sinds 2022 zijn de begrotingen tijdig vastgesteld en tweemaal per jaar gewijzigd. Ook de begrotingscyclus voor 2025 begon voortvarend. Het is belangrijk dat deze lijn wordt voortgezet en dat een ordentelijk begrotingsproces verzekerd blijft.

Na indiening van een nota naar aanleiding van het verslag van de Staten en een nota van wijziging op de ontwerp-begroting 2025 verzoek ik u om de behandeling van de ontwerp-begroting 2025 zo spoedig mogelijk op te roepen en te behandelen.

Het uitblijven van een vastgestelde begroting belet het aangaan van nieuwe financiële verplichtingen, en hierbij komt ook het proces van schuldbeheer in het gedrang.

De regering is bewust van het formatieproces, maar is de mening toegedaan dat de toetredende regering haar gewenste beleid middels de eerste supplettoire begroting kan doorvoeren.

Hoogachtend



De Minister na Financiën en Cultuur  
mr. Xiomara J. Maduro

pa yama e reunion publico pa trata Presupuesto 2025 mas pronto cu ta posibel.

E mandatario a enfatisa cu hopi trabou a wordo haci e añanan anterior pa asina desde aña 2022 entrega y trata presupuesto di Pais Aruba na tempo, y ta importante pa sigui mantene e disciplina presupuestario aki. Ademas ya caba Parlamento a ricibi contesta riba nan pregunta y tambe a ricibi un nota di cambio, pues Parlamento tin tur informacion pa trata Presupuesto 2025.



Diamars atardi Minister manda carta pa urgi Maduro di Finansa a Presidente di Parlamento

Minister Maduro ta splica cu ta importante pa e Presupuesto 2025 por wordo aproba, ya cu sin

esaki Gobierno no por cumpli cu su obligacionnan financiero y esaki ta trece problema pa, entre otro, e maneho di pago debe di Pais Aruba. Por ultimo Minister Maduro ta subraya cu Gobernacion ta continuacion y Aruba no por keda sin un presupuesto aproba djies pasobra formacion ta dura largo.

## PROBLEMA DEN FAMIA TA SIGUI POLIS Y AMBULANS A BAY PA HENDE HERIDA



Diamars mainta a drenta informe di un problema entre famia entre rumannan cu a caba den pelea cu agresion den Caya G.F."Betico" Croes, mesora

a dirigi tanto polis como ambulans na e sitio. Na yegada di e patruya a bin compronde cu aki ta trata di un problema entre e famia pa un cas unda ainda e mama ta biba eyan ainda.

E patruya a bin topa cu un ruman cu un kap na cabes y a solicita un ambulans na e sitio. Na yegada di e ambulans nan a atende e victima na e cas mes.

ENCUESTA

STATUS BANCARIO Y  
COMPORTACION DI PAGO

YENA E ENCUESTA  
DOOR DI SCAN E QR CODE



CENTRALE BANK VAN ARUBA



Partido MEP:

**PARTIDO MEP TA CONFIRMA STABILIDAD FINANCIERO BOU GABINETE WEVER-CROES**

Stakeholder y CAFT tambe ta confirma esaki

Partido MEP ta refleha cu orguyo e siete aña di trabou duro y dedicacion bou di Gabinete Wever-Croes, un periodo cu a realisa e base fundamental pa estabilisa e situacion financiero di Aruba despues di e desaster financiero laga atras pa e gobierno anterior di partido AVP. Danki na maneho financiero responsabel di MEP durante gobernacion e utlimo dos periodonan, nos pais ta den un posicion mucho mas fuerte, prepara pa soluciona e desafionan cu por enfrenta y alabes cumpli cu pueblo di Aruba si ta actua na un manera responsabel.

Despues di reunionnan entre partidonan AVP y FUTURO cu diferente stakeholder di diferente sector, stakeholdernan cu conocimiento riba finanzas publico, ta sali di e reunionnan y ta

expresa cu tin espacio financiero disponible pa e gobernacion entrante. Esaki ta debi na e gobierno cu a maneha finanzas publico na un manera hopi responsabel apesar di tur desaster encontra di e gobierno di AVP y e retonan cu Covid a trece cu ne.

Estakeholdernan akita expertonan den e area financiero cu a confirma despues di e reunionnan cu e situacion financiero di Aruba a mehora considerablemente bou di e maneho di Lider di MEP y Prome Minister Evelyn Wever-Croes y su gabinete. E maneho cuidadoso di finanzas pa Gabinete Wever-Croes a crea suficiente espacio pa asegura estabilidad y sostenibilidad di manehonan gubernamental pa e proximo periodo.

Esaki ta confirma e maneho cu

transparencia y e impacto positivo di e politiconan di MEP cu a forma un gobierno di coalicion lidera pa Lider di MEP durante e ultimo siete añanan. Tambe, esaki ta consistente cu e declaracionnan reciente di CAFT, cu a elogia y confirma cu e maneho financiero cu Gabinete Wever-Croes a hiba, a pone Aruba den un posicion mas fuerte y resiliente.

Partido MEP ta sinti orguyo di e hecho cu a reestablede estabilidad financiero di nos pais a pesar di e desafionan cu nos a enfrenta. E exito aki ta un resultado directo di un gobierno cu a priorisa responsabilidad financiero, transparencia, y bienestar di pueblo Arubiano. Awo, ta ora pa e gobierno entrante pa tuma ehempely responsabilidad pa sigui e progreso aki y pa



sigura cu e espacio financiero cu Gabinete Wever-Croes a crea lo ta uza cu sabiduria pa e beneficio di tur ciudadano. Partido MEP ta comprometi pa sigui apoya pueblo di Aruba den Parlamento y como partido, y nos lo continua pa mantene e gobierno futuro responsabel pa e maneho di nos pais cu nan lo hiba.

**MARCIA GEERMAN TA EMPLEADO SUPERIOR DI ARUBA BANK**



19 di februari 2025 - Marcia Geerman ta empleado superior di Aruba Bank pa luna di januari 2025. Un empleado cu a demostra

dedicacion y iniciativa sobresaliente, logrando asina e reconocimiento aki. E compromiso di Marcia

pa semper brinda un experiencia superior na e clientenan di Aruba Bank cu ta refleha e balornan di e banco. Su accionnan ta impacta e clientenan

positivamente y ta pone un standard halto pa e excelencia di servicio na cliente. Marcia tin un gran pasion pa cushina, unda e ta

expresa su creatividad y amor mientras e ta prepara un dushi cuminda. Pabien Marcia pa ta un empleado ehemplar cu ta forma parti di Aruba Bank.



Ministro encarga cu Turismo & Salubridad ta anuncia cu entrante **20 februari 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuis- y un restaurantvergunning A** pa e parcela na **Palm Beach 13-A**. E permisonan aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisonan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.



## Partido MEP:

# Otro sorpresa mas prome cu coalicion FUTURO/AVP sinta, GOBIERNO NOBO DI AVP/FUTURO TA KIBRA PROMESANAN DI CAMPAÑA Y AUMENTA COSTO Di 8 minister pa 14 minister

Partido MEP ta expresa preocupacion grandi riba e declaracionnan di Mike Eman tocante aumento di cantidad di minister pa siguiente gobernacion entre partidonan FUTURO y AVP.

Esaki pa Partido MEP ta un falta di consideracion hopi grandi di e gobierno entrante, na unda cu durante campaña pa eleccion 2024 ambos partido cu lo forma e gobierno nobo, a haci promesanan cu lo tin tur intencion di baha costo di gobernacion. Despues cu durante campaña nan a priminti cu nan lo goberna cu solamente siete minister, pa acomoda plan pa gobernacion di FUTURO y su Lider Gerlien Croes, e gobierno entrante a bin cu e decision pa bin toch cu siete minister adicional pero a duna nan un otro nomber, esta "staatssecretarissen".

Esaki ta haci cu FUTURO/AVP lo goberna cu 14 minister. Lo tin por

ehempel, minister di educacion y su staatssecretaris/ vice minister di educacion, minister di finanzas y su staatssecretaris/ vice minister di finanzas. Sin duda esaki ta un intento pa evita yama nan como loke realmente nan ta: minister extra bou gasto di pueblo. Partido MEP ta considera esaki tambe como un engaño na e pueblo di Aruba.

Esaki lo pone un gran peso financiero riba nos pais. E siete posicionnan extra lo mester di salario, beneficio, staf, oficina, vehiculo, entre otro, cu lo costa miyones di florin anualmente. Contrario di nan promesa di campaña. En bes di reduci gasto di gobierno y priorisa estabilidad financiero manera MEP den gobierno a bin ta haci e ultimo siete añanan, nan ta expande e estructura di gobierno y aumenta gasto, mientras cu nos pueblo ta sigui lucha cu costo haltu di bida

y e debe cu Mike Eman a traha y e debe cu Hulanda cu Covid a causa.

Mas alarmante ainda ta cu e Mike Eman, a admiti abiertamente cu e posicionnan adicional ta pa train integrantenan incapas di Partido AVP pa haci nan capas pa bira minister di Partido AVP un dia. E realidad ta cu esaki ta e manera di Mike Eman pa acomoda mas tanto candidato riba su lista creando posicionnan y yamandonan staatssecretaris y no coordinador manera antes el a haci.

Gobernacion ta algo serio y Aruba no por permiti gasta miyonnan di florin solamente pa duna entrenamiento politico na integrantenan di AVP bou gasto di e contribuyentenan na caha di gobierno. Si e gobierno nobo aki realmente ta comprometi na eficiencia y reduccion di costo, lo nan no a bin cu e plan desastroso aki pero lo a keda firme riba su promesa original y lidera cu



solamente siete minister manera nan mes a priminti—sin excusa, sin engaño.

Partido MEP ta condena fuertemente esaki como un decision irresponsabel y engañoso. Pueblo di Aruba merece transparencia y un gobierno cu ta respeta su palabra. Nos lo sigui condena e decision di expansion irresponsabel innecesario aki di e gobierno entrante pasobra esaki ta pone un carga extra riba e ciudadano cu ta trahando duru.

## PROLONGACION ENCARGO DI FORMACION GOBIERNO DI ARUBA



KABINET VAN DE GOUVERNEUR VAN ARUBA

Gobernador di Aruba, Su Excelencia Alfonso Boekhoudt riba 14 di januari a apunta señor Michiel G. Eman y señora Gerlien L. Croes como formador. Durante di e simannan siguiente, e formadornan a informa Gobernador regularmente tocante e progreso den e implementacion di e encargo di formacion.

Awe e formadornan a entrega Gobernador un relato provisional. Formadornan a indica cu a papia cu un gran cantidad di organisacion durante di e ultimo simannan. Sinembargo, e evaluacion di capacidad di e candidatonan pa e funcion di minister y di minister plenipotenciario, segun e exigencianan di e 'Landsverordening integriteit ministers' no a cuminsa ainda. Mirando cu e evaluacion ta wordo realisa pa garantiza integridad di administracion publico, ta di importancia pa permiti suficiente tempo pa realisa e evaluacion aki pa esaki sosode cuidadosamente.

Awe Gobernador di Aruba a pidi formadornan pa riba 13 di maart mas tarda, presenta na su persona e acuerdo di gobernacion definitivo, e reparticion di cartera y pa sigura cu riba e fecha ey tambe e resultadonan di e investigacionnan haci bao di e 'Landsverordening integriteit ministers', por wordo discuti.





# 7 GANADO A CASI COMPARTI E JACKPOT DI MINI MEGA CU MEGA PLUS DI AFL. 2.850.000,-!

20 di februari 2025: Diamarsanochi e resultado di Mini Mega a ser conoci unda cu e numbernan cu a sali tabata 05-20-23-30 y Mega Ball 07. Apesar cu no tabata tin ganador pa e prome premio, si a conoce 7 ganado cu a casi comparti e jackpot miyonario di Afl. 2.850.000,- si nan tabata tin e Mega Ball bon y cada un a comparti e segundo premio y a gana e suma di Afl. 5.720,-! Ticketnan ganado a wordo bendi na e siguiente lugarnan cual tin lugar cu tin mas cu 1 ganado: Good Vybz Lottery 2, Mama Trida Lottery, Rockies Lottery Dakota, Ritmo Lottery, Get Rich Yu Xia y Key Lottery.

Diabierna ultimo ariba Valentine's Day e jackpot

di Mini Mega y Mega Plus tabata na 2 miyon 500 mil florin y a conoce 6 ganado cu tambe tabata tin e 4 numbernan bon y solamente tabata falta e Mega Ball pa por a gana e jackpot miyonario cu lo a wordo reparti entre nan si nan tur tabata tin e Mega Ball bon. Cada un di e 6 ganadornan aki a gana e suma di Afl. 6.174,-.

E segundo premio di Mini Mega tambe ta progresivo cu ta cuminsa na e suma di Afl. 5.000,- y e premio ta acumula si e no wordo gana. Pero si e wordo gana eta cuminsa bek na Afl. 5.000,- pa e siguiente sorteo mas e porcentahe di e benta cu ta bay pa e segundo premio.

Mini Mega cu Mega Plus ta un jackpot progresivo, esey ta nifica cu e jackpot ta sigui crece y pa diabierna awo 21 di februari e jackpot di Mini Mega y Mega Plus a bira 3 miyon 250 mil florin!

Pa segura bo Mega Ball, bo por cumpra bo numbernan di suerte of un loco y pidi pa e combo di All Mega Ball cu lo costa 75 florin y cu Mega Plus, e ticket lo costa 105 florin. Scohe bo numbernan di 01 te cu 30 y pidi bo rebendado preferi pa bo combo di All Mega Ball pa asina bo tin tur e Mega Ballnan den wega!

Cumpra bo ticket trempa pa bo tambe den wega pa gana e gran total di 3 miyon 250 mil florin!



Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita:

[play.lottoaruba.com](https://play.lottoaruba.com) pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

## MAS TANKI DI COLECTA AWA PA NOS CUNUKERONAN DANKI NA WEB ARUBA NV

Departamento di Agricultura, Cría y Pesca Santa Rosa semper ta crea tur posibilidad existente pa por duna e mihor posibel pa yuda nos productornan local. Tin ora sondea posibilidadnan cu kisas ta muestra poco no realisabel pero toch na final e resultado ta uno positivo.

Na momento cubo ta desea di bai cuminsa cu un cultivo sea ta den escala grandi of chikito e importancia di tur esaki ta awa. Sin awa no tin bida. Awa ta caro tambe. Por bisa tambe toch for di oktober 2024 pa awo februari 2025 ainda rato rato awa

ta yobe cual ta hasi cu nos productornan sigur ta contento cu e poco yobida sporadico cu nos ta hayando. Pesey den comunicadonan anterior Departamento di Agricultura, Cría y Pesca Santa Rosa duna varios idea pa colectamento di awa. Sea bo ta recicla cierto awa manera di washmaschine, awa di airco of awa colecta di yobida. Pa un di esakinan porta mas efectivo bo mester di regenbak, barinan di plastic of tankinan blanco di 1000ltr conocí tambe como IBC Tote (Intermediante Bulk Container).

Den un estrecho cooperación Departamento

di Agricultura, Cría y Pesca, Santa Rosa hunto cu WEB Aruba NV ya pa algún tempo caba tin e palabracion cu na momento cu WEB Aruba NV tin e tankinan aki disponibel nos departamento lo hayanan pa por repartinan cu nos productornan local cu ta inscribí aki na Santa Rosa. Ta un MOU (Memorandum Of Understanding) firma na aña 2023 entre gobierno di Aruba/Santa Rosa y WEB Aruba NV e tempo ey.

Esnan cu haya caba e tankinan aki nos tin registra y nos lo bai tuma contacto cu esnan cu falta ainda pa haya. Cada productor ta



yega na remarke pa haya dos di e tankinan aki. Dunando oportunidad pa mas hopi productor por haya e tankinan aki pa por alivia maske ta un poco na colectamento di awa y hasi nan trabou poco mas facil. Na momento cu nos tin tur cos regla nos lo cuminsa cu repartimento na esnan cu ainda no a haya. Claro no ta tur cu falta ta haya, pero

si según cu nos ta disponi esakinan for di WEB Aruba NV nos lo reparti nan.

Departamento di Agricultura, Cría y Pesca Santa Rosa un biaha mas ta gradici gerencia di WEB Aruba NV pa e bunita gesto aki contrubiendo cu nos departamento y nos productornan local por haya e tankinan aki disponibel pa nan uzo.



## Marco Berlis (MEP):

# “E BERDADERO COLOR DI AVP Y FUTURO.”

Apenas 75 dia despues di eleccion AVP y Futuro ta demostra “un biaha mas” cu nan prioridadnan no ta alinea cu e necesidadnan di pueblo. Pa 7 aña largo, Mike Eman y AVP, hunto cu Gerlien Croes di Futuro, a grita cu Aruba ta conoce hopi pobresa. Nan a insisti cu e mester duna ayudo na famianan y Mike a insisti cu e lo aumenta pensioen pa nos grandinan cu AWG 700,-. Sin embargo, nan accionnan recien ta contradiciendo nan “supuestopreocupacionan” durante e añanan cu nan tabata den oposicion.

Sorprendentemente, Mike Eman na varios ocasion a critica e bahamento di loonbelasting di Gabinete Wever-Croes, cu a alivia e carga financiero riba mas di 17 mil persona. Mayoria ciudadano a haya alrededor di 300 florin bek den nan cartera! Mike su reaccion ta un contradiccion flagrante

cu ta laga nos puntra nos mes: Mike y Gerlien ta realmente preocupa pa e bienestar di pueblo?

Como sifuera poco, Mike Eman a anuncia cu e kier 7 staatssecretaris; un pa traha cu cada minister. E decision aki lo aumenta e gastonan di gobierno drasticamente. Cada staatssecretaris lo mester di un ekipo completo: consehero, coordinador, hurista, secretaria, media staff, werkster y chauffeur. Cuanto hende mas lo mester dal cabes den cocolishi? E propuesta aki ta parce mas un intento pa crea posiconnan pa miembronan di partido y famia, enbes di un plan pa mehora gobernacion. E gastonan di personal cu tabata bao control na un poco mas cu 2 miyon pa aña durante e gabinete Wever-Croes, awor tin e riesgo di subi bek te na 12 miyon pa aña. (Mescos cu na 2009-2017) Esaki ta un

aumento alarmante cu lo pone mas presion ainda riba e presupuesto di pais Aruba, mientras cu hopi ciudadano ta luchando diariamente pa pone pan riba mesa.

Pa colmo, despues di un bishita na Gobernador, Gerlien Croes a contradeci Mike Eman den su cara, declarando cu e “no sa nada” di e plannan pa inclui 7 staatssecretaris den un gobierno y cu no a negocia cu AVP riba e tema. E contradiccion aki ta pone Mike Eman den un posicion incomodo y ta laga pueblo confundi tocante e berdadero intencionnan di e alianza entre AVP y Futuro. E hilaridad en cuestion ta, cu e funcion di staatssecretaris no ta aparece den nos leyman y pesey no por wordo formalisa den un gobernacion. Mientras cu Mike ta purba yena cocolishi cu su hendenan, e costonan



di bida ta sigui subi na man di minister di Futuro sr. Geoffrey Wever, cu a subi prijs di gas cu mas di 50%, poniendo asina mas presion riba famianan den necesidad. Ken ta corda e video emocional den cual minister Geoffrey Wever, cu un cara preocupa, a declara cu Futuro su plan ta pa subi poder di compra di pueblo y lo yuda cu varios toeslag?

Na final, loke nos ta mira ta un escenario preocupante: dos partidonan cu a priminti 7 ministerio, awor ta propone 14. Pueblo ta puntra si esaki ta e “politica nobo” di Futuro

y e “bon comun” cu Mike Eman a promete. Ta parce e prome 100 dianan lo ta pa yena saco politico prome, mientras

Oppa a bisa cu Mike lo no cumpli cu aumento di pensioen. Kico mas lo por spera di un coalicion nobo cu a sali asina malo y no a sinta mes ainda?

Si pueblo desea mas informacion di e articulo aki, contact mi na cel: 560-5755 of email mi na: [marcoberlis@hotmail.com](mailto:marcoberlis@hotmail.com) / Bo sirbidor di pueblo na bo ordo semper!

## TURISTA A DAL ABAO RIBA UN PIDA GLAS KIBRA Y GLAS A BAY DEN AU CABES

Diamars atardi a deenta inform di cu un turista a cay riba un pida glas y esaki a bay den su cabes dilanti waf, mesora a dirigi tanto polis como ambulans na e sitio. Na yegada di e patruya a bin compronde cu e turista a cay riba e glas cu a corte y glas a drenta su cabes tambe. Na yegada di e ambulans nan a atende y a transporte pa hospital.





# MADURO & CURIEL'S BANK TA NOMBRA SR. QUINTEN FRAAI KOMO PRESIDENTE I CEO

Willemstad, Kòrsou, 18 di febrüari 2025 - Maduro & Curiel's Bank (MCB) ku plaser ta anunsiá nombramentu di sr. Quinten Fraai komo e Presidente i CEO nobo entrante 1 di yüni 2025. Quinten tin eksperiensia bankario internashonal ekstenso i a traha den diferente país i kultura. Además di su eksperiensia profeshonal e tin lasonan personal i familiar ku nos islanan den Karibe Hulandes i un bon komprondementu di nos komunidatnan. Lionel (Chicu) Capriles II, Presidente i CEO aktual di MCB, lo asumí un funshon nobo komo miembro di e Hunta di Komisario, pendiente aprobashon di Banko Sentral, sigurando ku su eksperiensia i konosementu amplio di e Banko lo keda disponibel.

Quinten Fraai tin mas ku 30 aña di eksperiensia den servisionan finansiero. Aktualmente e ta CEO di Monuta, un kompania di seguro i servisio funeraria di renombre na Hulanda

ku mas ku 1.5 miyón doño di pólisa. Anteriormente e tabata CEO di NN Insurance Bélgika i Luxemburg. E tin un karera bankario ekstenso di mas ku dos dékadá ku ta inklui funshonnan di liderazgo klave manera co-CEO di ING Direct na Hapon, General Manager di Direct Channels na ING Bank Bélgika, Direktor di Savings & Mortgage Operations pa ING Direct den Reino Uní i EVP Operations na ING Direct Merka.

Islay McGlynn, Presidente di e Hunta di Komisario di MCB ta deklará: "MCB ta hunga un ròl klave den e ekonomia i komunidatnan di nos islanan den Karibe Hulandes i nos tabata buska un líder ku ta komprondé e responsabilidat aki. Quinten tin eksperiensia amplio riba terenobankario, kresementu digital i strategia, pero mesun importante ta tambe ku e ta kompartí e balornan di MCB. Nos tin pleno konfiansa ku e lo liderá nos Banko ku vishon i dedikashon. Mi ta hopi kontentu tambe ku Chicu lo

djòin e Hunta di Komisario. Esaki ta sigurá ku MCB por sigui benefisiá di su eksperiensia i konosementu, mientras nos ta sigui bai dilanti."

Lionel (Chicu) Capriles II ta aña: Mi ta yama Quinten un kaluroso bon biní na nos islanan den Karibe Hulandes. E ta e persona adekuá pa mantené nos balornan di famia haltu. For di aña 1916 e balornan aki ta forma e kurason di nos Banko. MCB ta fuerte, resiliente i bon posishoná pa futuro i mi tin pleno konfiansa ku Quinten lo sigui traha riba e fundeshi sólido aki. Mi lo sigurá personalmente pa hasi un transishon fasil i bon. Den mi funshon nobo den e Hunta di Komisario, mi ta spera ku antisipashon pa sostené e i nos Banko den e siguiente trayectoria di desaroyo.

Quinten Fraai ta remarká: "Mi ta sinti'mi sumamente honrá pa djòin MCB. Un Banko ku tin un ròl asina importante den



Karibe Hulandes. Ku mi tata ku a nase i krese na Kòrsou, semper m'a sinti un konekshon fuerte ku e islanan. M'a desaroyá un apresio p'e kultura i partikularmente p'e sentido di komunidat ku ta hasi e país asina spesial. Mi ta komprondé kon krusial MCB ta pa e hendenan i negoshinan den e región aki. Lasonan fuerte ta forma e base di tantu e komunidat komo negoshinan i lo mi hasi mi máksimo pa stimulá relashonnan balioso i pa huntu ku e tim nos protehá i mantené MCB su herensia di konfiansa, stabilitat i servisio."

Nombramentu di Quinten ainda ta suheto na aprobashon di akshonistanan, ku ta programá pa tuma lugá mas na fin di e kuartal aki. Entrante 1 di yüli 2025 e Hunta di Maneho di MCB lo konsistí di Quinten Fraai komo Managing Director i Presidente & CEO, Bill Said komo Managing Director i Group Head i Cris van Kempen komo Managing Director i Chief Risk Officer. E nombramentu di Cris (ku a keda anunsiá di 23 di yanüari 2025), ainda i manera kustumber ta suheto na aprobashon di reguladó i akshonistanan.

## CHAUFFEUR SIN RIJBEWIJS NO A REGULA SU VELOCIDAD NI A MANTENE DISTANCIA A BAY DAL TRAS DI AUTO Y ESAKI A BAY DAL OTRO AUTO

Diamars mainta a drenta informe di un accidente na Ser'i Teishi, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda un chauffeur sin rijbewijs

di un pick-up no a regula su velocidad ni a mantene distancia a bay dal tras di e auto Hyundai Accent su dilanti y consecutivamente esaki a bay dal tras di un Hyundai Tucson. Na prome instante e

chauffeur sin rijbewijs kier a regla esaki entre nan pero e conductor no a acepta y a prefera di yama autoridad.

Afortunadamente ningun hende a resulta herida





# Prome Minister Evelyn Wever-Croes: MIEMBRONAN DI QUOTA CLUB CU CHARLA IMPORTANTE PA E CUIDO DI OIDO DURANTE TEMPORADA DI CARNAVAL

## “Bo oido ta conecta bo cu resto di mundo, no kita e oportunidad ey di nos muchanan”



Diamars mainta na St. Aloysius School na Noord, Prome Minister Evelyn Wever-Croes hunto cu miembronan di Quota, Presidente di e comision Gwendeline van Trikt-Rojer, Noris van Lis Donata, Jo-Anne Croes y presentacion especial di

Glenn Rock di WEB Aruba N.V., a duna informacion na e muchanan riba e importancia di cuida nan oido durante e temporada di Carnaval.

Prome Minister a indica cu como miembro di Quota e charlanan aki

ta un tradicion di hopi aña, cu e meta pa crea conscientisacion entre nos muchanan pa cu e importancia di uza “earplugs” na eventonan carnavalesco unda e musica ta hopi duro y por afecta nan oido.

Pa evita problema di oido den futuro ta importante pa duna tur informacion necesario na muchanan desde un edad jong. Bo oido ta conecta bo cu resto di mundo, p’esey mester cuid’e.

Durante temporada di Carnaval, nos muchanan lo gosa hopi mas si nan oido ta protegi. Adultonan por scoge pa no uza earplugs, pero como adulto, ta nos obligacion pa cuida oido di nos muchanan lagando nan uza earplugs. Gosa Carnaval grandemente pero responsablemente, cuida nos muchanan di solo y cuida nan oido y ban permiti nan gosa Carnaval sanamente.

Prome Minister a gradici Cabesante Vladimir de Cuba y meneer y juffrouw di klas 6a y 6b y a expresa di ta contento cu e por a traha tempo pa join Quota y Glenn Rock diamars mainta na St. Aloysius School, conscientisando e muchanan riba e importancia pa nan cuida nan oido.





# FORTALEZA PA FAMIA

Scirbi pa Pastor Marcel Balootje.

## NOS TIN AUTORIDAD DEN NOMBER DI CRISTO HESUS

Hesus , a hala serca y a papia cu nan,bisando; Tur autoridad a wordo duna na Mi den shelo y riba tera. ( Mateo 28:18).  
E senjal nan aki lo companja esnan cu kere: den Mi nomber, nan lo saca demonjo, nan lo papia den lenga nobo,nan lo cohe colebra tene cu man,y si nan bebe veneno mortal, esey lo no haci nan danjo, nan lo pone man riba hende malo y esakinan lo bira bon.( Marco 16:17).

Hesus a duna autoridad den Su nomber, na esnan cu ta kere den dj'E y ta biba segun Su Palabra.

Pa nos eherce e autoridad cu E a duna nos ,nos mester tin un bida di oracion, pasobra oracion ta comunicacion cu Dios, y sin comunicacion cu Dios, of comunicacion parcial, of comunicacion de bes en cuando nos no por eherce e autoridad cu E a duna nos.

Den e autoridad cu Cristo Hesus a duna nos , nos ta ordena e demonjo pa bay, nos ta ordena malesa pa bay, pasobra e autoridad cu Cristo Hesus a duna nos, ta duna nos e poder pa haci esey, nos no ta pidi maldad pa e bay bay nos ta ordena maldad pa bay den nomber di Cristo Hesus.

Pasobra e palabra ta bisa den Marco 16:20: Y nan a sali bay y a predica tur caminda, y Senjor tabata traha hunto cu nan, y tabata confirma e palabra pa medio di e senjalnan cu tabata sigi. Amen.

Den Hechonan 3: 6 Pedro a bisa e homber paralitico; Oro y plata mi no tin , ma loke mi tin mi ta duna bo den e nomber di Hesus lanta y cana.y Pedro a cohe e paralitico na su man y mesora pianan di e paralitico a hanja forsa.

Tin poder den e nomber

di Hesus, y esey ta locual awendia tin hende cu no ta kere, pero pa tur esnan cu ta kere, tin poder den e nomber di Hesus.

E poder den e nomber di Hesus ta obtenibel 24/7 pa esnan cu ta kere, pasobra Hesus a priminti cu semper E lo tey pa nos y nunca E lo bandona na nos.

Ma tur esnan cu a ricibi E na nan e a duna e derecho pa bira yuinan di Dios,esnan cu a kere den Su nomber,cu no a nace di sanger,ni di e boluntad di carni,ni di e boluntad di hende, ma di Dios.

Hesus a duna na nos un gran promesa cu ta para scirbi den Juan 14:13-14 bisando: Y tur loke boso pidi den Mi nomber esey lo Mi haci, pa e tata wordo glorifica den e Yiu. Si boso pidi algo den Mi nomber , lo Mi hacie.

Hesus tin tur autoridad pasobra esey a wordo duna na dj'E door di e Tata cu ta den cielo.Pesey Hesus a bisa esun cu a mira Mi a mira Mi Tata, y tambe E a bisa cu Ami y Mi Tata ta uno.

Pesey tambe Dios a hals'E te na e halturanan, y a dun'E e nomber riba tur nomber, cu pa e nomber di Hesus tur rudia mester dobla, di esnan cu ta den cielo, y riba tera, y bao di tera, y cu tur lenga mester confesa cu Hesus Cristo ta Senjor, pa e gloria di Dios Tata.

Den Cristo Hesus nos tin tur forsa y tur resistencia, pesey e palabra di Dios ta bisa nos: Pesey somete boso na Dios, resisti e diabel y e lo huy for di boso.

Na Dios tur e Gloria.

Sinceramente, Pastor Marcel Balootje.

# Atencion: BENTA DI WAX NA MENOR TA PREOCUPA MAYORNAN



A raporta cu tin un persona ta bende WAX, un forma potente di cannabis, na mucha menor di edad. E substancia aki ta bin den forma di azeta y ta wordo huma den vape, haciend'e difcil di detecta.

P'e mayornan, ta importante controla tas, camber y pertenencianan di nan yiu, pasobra WAX ta mas fuerte cu cannabis den forma di yerba y por tin un impacto grandi riba nan salud.

Si bo ta bende esaki, haci bo negoshi cu adulto y no cu mucha. "Awor ta e

moment pa wordo alerta y proteha nos hobennan."


















**Clasificados**



**SOLODIPUEBLO@GMAIL.COM**  
**CEL.585 9500**



 <p>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - February 19, 2025</p>	
<div><p>Sorteo # 4542</p><p><b>9690</b></p><p><b>2891</b></p><p><b>7777</b></p><p><b>X2</b></p><p>Sorteo # 4542</p><p><b>8988</b></p><p><b>X2</b></p><p>Sorteo # 2598</p><p><b>1190</b></p><p>Sorteo # 4542</p><p><b>8250</b></p><p><b>Cancer</b></p><p>Sorteo # 1416</p><p><b>024</b></p><p><b>X2</b></p></div>	<div><div><p>Sorteo #</p><p>0 x Jackpot</p><p>0 x Match 4+</p><p>0 x Match 4</p><p>0 x Afl. 12,00</p></div><p><b>Proximo Jackpot</b></p><p><b>120.000,-</b></p></div> <div><div><p>Sorteo #</p><p>0 x Jackpot</p><p>0 x Match 4</p><p>0 x Afl. 8,00</p></div><p><b>Proximo Jackpot</b></p><p><b>111.000,-</b></p></div> <div><div><p>Sorteo #</p><p>0 x Jackpot</p><p>0 x match 4</p><p>0 x Afl. 500,00</p><p>0 x Afl 50,00</p><p>0 x Afl. 15,00</p></div><p><b>Mega Ball</b></p><p><b>Proximo Jackpot</b></p><p><b>2.100.000,-</b></p></div> <div><div><p><b>Afl. 3.250.000,-</b></p></div><div><div><p>Sorteo #</p></div></div></div>



# Cft: "Tin peliger di recaida na Boneiro, mester pone e base na ordo"

Kralendijk – Durante e deliberacionnan cu a tene cu Colegio Ehecutivo y Consejo Insular di Boneiro, Colegio di supervision financiero di Boneiro, Sint Eustatius y Saba (Cft) a pidi atencion pa e problemanan cu frecuentemente ta keda refleha den e hayazgonan di Cft. Maneho financiero, e politica presupuestario y e funcionamiento di e entidadnan gubernamental ta core peliger di recaida, pa motibo di un falta di capacidad di implementacion. Boneiro simplemente no ta in control.

Capacidad di implementacion den tur e areanan, Cft ta constata un falta di capacidad di implementacion, loke ta varia di un falta di tumamento di decision pa e gobernacion insular te un falta di implementacion di esaki. Esaki ta keda refleha den e recaida di maneho financiero, implementacion deficiente di maneho y funcionamiento insuficiente di entidadnan gubernamental.

Maneho financiero Den e añanan pasa, Boneiro a tuma pasonan importante pa mehora maneho financiero. Pa 2023, pa di dos biaha consecutivo, Boneiro a ricibi un declaracion completamente aprobatorio di auditor. Sin embargo, tin un recaida. E aña pasa, Cft a expresa su mes di manera critico den su consehonan, y a sinti e obligacion pa abstene di emiti huicio tocante di e di cuater informe di

implementacion di 2024, pa motibo di e suministro deficiente di informacion. Di e manera aki, ta limita Consejo Insular den su tarea di supervision. Considerando e hayazgonan aki, Colegio Ehecutivo a invita Cft pa – riba termino cortico – duna consehonan mas detaya tocante di e estructuracion di maneho financiero.

Implementacion presupuestario 2024 y consecucionan pa 2025 Cft a reitera su preocupacionnan tocante di e factibilidad di e ambicionnan presupuestario di Boneiro, y ta observa un desaroyo preocupante respecto di recursonan no gasta. Den un plaso di 5 aña, e presupuesto di Boneiro a ser redobla, mescos cu e reservanan. E isla tin dificultad pa gasta e recursonan, y tin hopi placa di parkeer den reservanan aloca.

Debi na esaki, ta aplasa pa añanan posterior e ambicionnan politico di 2024.

Entidadnan gubernamental Cft tambe a pidi atencion pa corporate governance y e maneho di e entidadnan gubernamental. E funcionamiento di Selibon ta demostra e urgencia di atende cu e puntonan aki mas pronto posibel.

Cobro di impuestonan local Finalmente, Cft a reitera su obhecionnan contra e intencion di Boneiro pa tuma over e cobro di impuestonan local di Belastingdienst Caribisch



Nederland. Esaki ta crea riesgonan considerabel pa e presupuesto di Boneiro. E organisacion administrativo ya caba ta bao di presion debi na e retonan den e area

di implementacion di politica, maneho financiero y entidadnan gubernamental. Como reaccion, Colegio Ehecutivo a indica cu e lo laga den tur caso

e funcion di loket di e servicio di impuesto cerca Belastingdienst Caribisch Nederland. Ademá, Boneiro lo priorisa pone na ordo e administracion basico di impuestonan.

## GUARDA NOS COSTA TA SIGUI PIKI INDOCUMENTADONAN RIBA CAYA!



Diamars merdia den e solo cayente aki e oficialnan di Guarda Nos Costa a subi caya pa captura e indocumentadonan. Nan ta hopi y nan ta dimas Aruba no por sigui cu tur e hendenan aki cual ta stroba e

economia di nos isla. Diamars merdia nan a crusa brug bay haci detencion di hendenan indocumenta unda a haya varios persona na sitionan di construccion mayoria di nan sin papel.



# ACCIDENTE CU HENDE HERIDA PA FALTA DI PREFERENCIA



Diamars merdia a drenta cu hende herida pariba di mesora a dirigi tanto informe di un accidente Watertoren na Sanicolas, polis como ambulans



na e sitio na e sitio. Na yegada di e patruya a bin compronde cu aki ta trata di un accidente pa falta di preferencia.

Debi na e impacto un persona a res

ulta levemente herida. Na yegada di e ambulans nan a atende e victima.

## GRUPO DI TURISTA HOBEN MAYORIA MENOR DI EDAD BUSCANDO PROBLEMA AREA HOTELERO



Diamars madruga poco mas tempran un grupo hoben mayoria menor edad ya caba a haci problema na un hotel na Palm Beach, un rato despues meymey unda bar nan ta atrobe a causa problema. Unda cu e bouncer nan mester a laga nan post pa asina

evita un of otro pelea riba caminda. Un hoben a sigui cana y haci fastioso den varios hotel den e area ey poniendo hasta polisnan di Oranjestad y polis cu ta cuida costa activo. Pa asina preveni cu nan hasi daño na propiedadnan of daño na otro.



# TRUCK DI GEN AIR A RANCA WAYA DI CABLE TV NA ROOI AFO



Diamars mainta a drenta informe di un incidente na Rooi Afo, mesora a dirigi un patruya na e sitio. Na yegada di e patruya a bin compronde cu un truck cu tabata transportando un Forklift ya cu no por a pasa riba e brug ya cu esaki ta sera a pasa otro caminda y a dal y ranca wayanan di CableTV cu tabata basta abao. Polis a presenta y a traha un raport di e susedido y a avisa e compania pa bin haci e reparacionnan necesario



Señor ta mi wardador, mi n' tin falta di nada  
Den cunucu di yerba berde, E ta pone mi sosega  
E ta hiba mi na awa trankil, pa mi bolbe haña forsa  
*(for di Salmo 23)*



Den number di e ekipo y Hunta di Supervision  
di Aruba Tourism Authority ta extende palabranan  
di profundo condolencia na Ronella Croes, CEO di A.T.A.,  
cu fayecimento di su querida mama

*Sra. Elisabeth C. Croes-Croes*

☼ 25-02-1951 | + 12-02-2025

Alabes ta extende condolencia y desea forsa na su tata,  
rumannan y demas famia.

Cu señora Elsie sosega na paz.



## Paga bo cuenta online ta facil

Sea  
Abonnement  
of Aviso



Pa hasi pago online pone number y adres na  
cuenta di banco RBC Sunmax Printing  
account # 7700000100152447



# Addonsito ta gradici Lillyputters speelschool



Addonsito Croes tawatin e honor di fungi como e MC exclusivo di e eleccion aki. For di aki, Addonsito ta felicita e ganador Melena Leon y cada finalista cu nan bunita presentacion y titulo obteni.

Tambe e Prins cu Pancho Coco Loco cu a pone bon ambiente. Pabien y danki na e team di maestronan Lilly, Suhein y Nadesca sosteni pa Darinka, Darienne, Jake, Liv, Mila, Kami, cada mayor y famia, e cuerpo di hurado, dj Atronchi y Elite cu ta traha duro pa e eleccion aki ta realisa na e forma unico aki.

Aruba su artistanan Singing Bee, Melody



Franken y Easy Party Sollution y reina saliente Adela Maduro, a duna tremendo presentacion. Un momento unico tawata tambe e reconocimiento

cu juffrouw Lilly a brinda na Emperatriz Perdomo cu desde comienso ta cu Lillyputters. Danki tambe Prensa di Aruba pa e colaboracion di semper.







Cu inmenso tristesa Citgo Santa Cruz ta anuncia fayecimento di

**Elisabeth C. Croes-Croes**

Accionista di nos compania y ruman di nos director Edgar Croes.

Nos ta expresa nos mas profundo condolencia na su casa Ronny, su yiunan Ronella, Silvia, Ernon y demas famia y ta desea nan hopi forza den e dianan dificil aki.

Cu Elsie sosega na paz.

Den Renaissance a tene su di 47 edicion  
Convention Center, di eleccion di reina. Pa  
Lillyputters speelschool di 10 aña consecutivo



# RESULTADO CLASICO

# INTERNACIONAL JINETE &

# AMAZONAS



Amazonas Principiante 6-8  
año  
Mehor: Ginayli Hodge

Amazonas Principiante 9-11  
año  
Mehor: Kaylee Pinto  
Primer: Alize Kemp

Amazonas Principiante 12-  
14 año  
Mehor: Amy Koolman

Mini Amazona 4-5 año:  
Mehor: Jaeny Texeira da  
Camara (Curacao)

Mini Jinete 4-5 año:  
Mehor: Zaenoh Ignacio  
(Curacao)

Amazonas Pre-infantil 6-8  
año:  
Mehor: Isaiah Walter  
(Curacao)  
Primer: Ilana Stewart  
(Curacao)  
Segundo: Alessia Garcia  
Tercer: Adeline Lomans

Jinetes Pre-infantil 6-8 año  
Mehor: Aiden Kock  
Primer: Zhane Rafael Sprock  
(Curacao)

Amazonas Infantil 9-11 año  
Mehor: Sophia Schotte  
(Curacao)  
Primer: Zaria de Groot



Segundo: Zoe Solagnier

# SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		



**CHAUFFEUR DI  
CHEVROLET  
SPARK A BIRA DILANTI  
DI TRAFICO CONTRARIO  
DEN DE LA SALLESTRAAT  
CAUSANDO UN ACCIDENTE  
LAGANDO UN PASAHERO  
LEVEMENTE HERIDA**



Diamars anochi a drenta informe di un accidente cu hende herida na De La Sallestraat, mesora a dirigi tanto polis como ambulans na e sitio. Na yegada di patruya a bin compronde cu aki ta trata di un accidente semi frontal unda e chauffeur di un Chevrolet Spark a bay bira

na su man robes sin duna preferencia na un Toyota Prius di trafico contrario causando un accidente. Debi na e impacto un dama pasajero den e Prius a resulta levemente herida.

Na yegada di ambulans nan a atende e dama herida y a transporte pa hospital.

**PALABRA**

UN LAMAN YENA CU BIDA  
UN HENDE CU NOS TA STIMA  
TA E PALABRA FEY CURASON  
E FLECHA TIRA  
ALCANSA PA ESCOGENCIA  
MARA NA PIA DI TRABAU  
PALABRA NA PIDA PIDA  
PA LAMAN REFRESCA  
NADA PURA PURA  
PALABRA FORMA MANERA BARANCA  
HAMAS DESTROSA  
PROTEHA  
PA E RAZANAN DEN NAN RELIGION  
COS BON  
COS BUNITA  
COS BALIOSO  
LETRANAN PEGA NA OTRO  
HOPI SORTO  
NOS IDIOMA  
NOS LENGA MATERNO GLORIOSO

RUTHY "LADY RUTH"

**Oracion di dia**

**Un feliz dia bendiciona  
yena cu gracia di Dios**

"Lo Bo ta sacerdote pa semper na e mesun manera cu Melkisedec."  
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconece cu Abo ta nos Rey di Husticia y acerca Bo curason misericordioso pa nos salvacion.  
Amen